

丹溪心法

附錄卷五

癰疽

一三

八五

疥癩

八下

八六

金傷疔癰諸瘡

十二下
十七

婦人

七上
六

崩漏

十二上
十九

帶下

七上
九

產前

二十八上
九十一

產後

十四上
九十二

子嗣

二十七下
附斷子法
九十二

兒

二十六上
九十四
諸症

痘瘡

五十五上

倒倉法
急救諸法
吐法
拾遺雜論

故丹溪先生石表辭

丹溪翁傳

丹溪心法

附錄
卷五

丹溪先生心法卷五

新安吳勉學 校

癰疽八十五

○癰疽只是熱勝血

六陽經六陰經有多氣少血

者有少氣多血者有多氣多血者不可一槩論也若

夫要害處近虛怯薄處前哲已曾論及臨分經之言

未聞諸經惟少陽厥陰經生癰疽理宜預防以其多

氣少血肌肉難長瘡久未合必成死症遽用驅毒利

藥以伐其陰分之血禍不旋踵 陽滯於陰脉浮洪

弦數陰滯於陽脉沉細弱清陽滯以寒治之陰滯以

熱治之

人中年以後不可生癰。纔有痛腫，參之脈証。但見虛弱，便與滋補氣血，可保終吉。若用尋常驅

熱拔毒紓氣之藥，虛虛之禍，如指諸掌。

內托之法

河間治腫，炊于外，根盤不深，形証在表，其脈多浮病在皮肉，非氣盛則必侵於內。急瀉內托以救其裏，宜復煎散除濕散，鬱使胃氣和平。如或未已，再煎半料飲之。如大便秘及煩熱，少服黃連湯，如微利及煩熱已退，却與復煎散半兩。如此使榮衛俱行，邪氣不能內傷也。然世俗多用排膿內補十宣散，若用之於此小瘡，與冬月時令，即可若潰瘍。夏月用之，其桂枝

之溫散佐以防風白止吾恐雖有參芪難爲倚杖
一婦年七十形實性急而好酒腦生疽纔五日脉緊
急且瀉急用大黃酒煨細切酒拌炒爲末又酒拌人
參炒入姜煎調一錢里又兩時再與得睡而上半身
汗睡覺病已失此內托之意 又一男子年五十形
實色黑背生紅腫及胛骨下痛其脉浮數而洪緊食
亦嘔正冬月與麻黃桂枝湯加酒黃柏生附瓜蒌子
甘草節羌活青皮人參黃芩半夏生薑六貼而消此
正內托之法非精要內托散乳香菴豆等藥想此方
專爲服丹石而發疽者設不因丹石而發恐非必用

之劑 瘡先發爲腫氣血鬱積蒸肉爲膿故其痛多
少瘡之始作時也膿潰之後腫退肌寬痛必漸減而
反痛者此爲虛宜補亦有穢氣所觸宜和解風寒逼
者宜溫散

○腸癰 大腸有痰積死血流注 桃仁承氣湯加
連翹秦艽近肛門破入風者難治防風之類

○乳癰 乳房陽明所經乳頭厥陰所屬乳子之母
不知調養怒忿所逆鬱悶所遏厚味所釀以致厥陰
之氣不行故竅不得通而汁不得出陽明之血沸騰
故熱甚而化膿亦有所乳之子隔有滯痰日氣熾熱

含乳而睡熱氣所吹遂生結核於初起時便須忍痛
探令稍軟吮令汁透自可消散失此不治必成癰癤
治法踈厥陰之滯以青皮清陽明之熱細研石膏行
汗濁之血以生甘草之節消腫導毒以瓜蔓子或加
沒藥青橘葉皂角刺金銀花當歸或湯或散或加減
隨意消息然須以少酒佐之若加以艾火兩三壯於
腫處其効尤捷不可輒用針刀必至危困若不得於
夫不得於舅姑憂怒鬱悶昕夕積累脾氣消阻肝氣
橫逆遂成隱核如大棋子不痛不痒數十年後方爲
瘡陷名曰妳岩以其瘡形嵌凹似岩穴也不可治矣

若於始生之際便能消釋病根使心清神安然後施之治法亦有可安之理

乳癰方

青皮

瓜蒌

橘葉

連翹

桃仁

皂角刺

甘草節

破多加參芪

右以水煎入酒服

乳癰妳勞癰腫

右膏

煨

樺皮

燒

瓜蒌子

甘草節

青皮

右以水煎服

治乳有核

南星

貝母

甘草節

瓜蒌

各二兩

連翹

半兩

右以水煎入酒服

又方

人參

黃芪

川芎

當歸

青皮

連翹

瓜蒌

白芍

甘草節

乳岩小破加柴胡川芎

右以水煎入酒服

乳硬痛

沒藥

一錢

甘草

三錢

當歸

三錢

右作一服水煎入酒少許熱飲

吹妳

金銀花

大蕎麥

紫葛藤等分

右以醋煎洗患處立消如無下二物只金銀花亦可

乳栗破 少有破必大補

人參

黃芪

白朮

當歸

川芎

連翹

白芍

甘草節

右以水煎服

附骨癰

熱在血分之極細初覺先以青皮甘草節後破當
養血初腿腫以人參黃連茯苓各二錢瓜蒌子四
十八粒作二貼入竹瀝熱飲之

治環跳穴痛不已防生附骨疽

以蒼朮佐黃柏之辛行以青皮冬月加桂枝夏月
加條子苓體虛者加牛膝以生甘草爲使大料煎
入姜汁帶辣食前飲之病深者恐朮柏桂枝十數
貼發不動加少麻黃二三貼又不動恐癰將成矣
急掘地坑以火煨紅沃以小便赤體坐其上以被
席圍抱下截使熱氣重蒸腠理開氣血暢而愈

鉄圍散 治癰疽腫毒

乳香

沒藥 半兩

大黃

黃栢

黃連

南星

半夏

防風

皂角刺

木鱉子

瓜蒌

甘草節

草烏

阿膠

圍藥

諸般癰疽傳上消散

右爲末醋調成膏砂石器內火熬黑色鵝翎傳之

乳香

沒藥

大黃

連翹

黃芩

黃連

黃栢

南星

半夏

防風

羌活

瓜蒌

阿膠

皂角刺

右研爲細末好醋煎黑色成膏寒者熱用熱者寒用

圍藥鉄井欄

貝母

南星

各七錢

連翹

五倍子

經霜笑蓉葉

各一兩

右碾爲細末用水調傳四向腫處止留中間一竅

出毒氣

隔皮取膿法

馱蹄

細切一兩

蕎麥麴

一兩

白塩

半兩

草烏

四錢去皮

右爲末水調作餅子慢火炙微黃色出火毒研末
醋調成膏用白紙攤貼患處水自毛孔而出其腫
自退

騎馬癰

用大粉草帶節四兩長流水一碗以甘草淬焙
水盡爲末入皂角炭少許作四服湯調頓服效

又方

甘草節白芷黃連破者龍骨枯礬赤石脂併用

敷疽癰方

草烏

黃連

紫荊皮

白芷

大黃

芙蓉皮

朴硝

煨米

右爲末蜜水調敷如瘡盛以蜜調雄黃末固疔瘡
穴大小前後敷前藥末

一人肛門生瘰久不收口有針竅三孔勞力則有膿

黃芪

條芩

連翹

秦艽

右爲末神麴糊爲丸

取朽骨久疽及痔漏者有之

取烏骨雞脰骨以上等雖黃實之鹽泥固濟火
煨通紅取出地上出火毒去泥用骨研細飯丸
如粟大以帛撚送入孔中竅內更用膏藥貼之

便毒

山梔子

大黃

乳香

沒藥

當歸

五分

瓜蒌仁

三錢

代赭石

一錢

右作一服煎

又方

木鱉子

大黃

瓜蒌

桃仁

草龍膽

右咬咀濃煎露星月一宿清早溫服立愈

又方 白殭蚕槐花爲末酒調服一方加酒大黃

附方

消毒飲 治便毒初發三四日可消

皂角刺 金銀花 防風 當歸

大黃 甘草節 瓜蒌仁 等分

右咬咀水酒各半煎食前溫服仍頻提掣頂中髮

立効

機要內托復煎散 癰疽托裏健胃

地骨皮 黃芩 茯苓 白芍

人參 黃芪 白朮 桂

甘草 防已 當歸 各一兩 防風 三兩

右咬咀先以蒼朮一斤水五升煎至三升去木入